

**ARLEF: CONCORS “EMOZIONI FURLANIS IN VIAÇ PAL TERITORI”,
CUINTE EDIZION**

Cjapadis dentri lis scuelis de infanzie, primariis e secundariis di prin grât des provinciis di Gurize, Pordenon e Udin. Scjadince ai 21 di Març

In ocasion dal aniversari dai 3 di Avrîl, Fieste de Patrie dal Friûl – ricognossude uficialmentri de L.R. n. 6 dai 27 di Març dal 2015 – l'Ufici Scolastic Regjonâl adun cu la ARLeF (Agjenzie Regjonâl pe Lenghe Furlanis) e ae Provincie di Udin, al promôf la 5e edizion dal concurs a premis “Emozions furlanis in viaç pal teritori” par valorizâ e promovi il patrimoni storic-artistic-culturâl-naturalistic dal Friûl. Il concurs al è viert aes scuelis de infanzie, primariis e secundariis di prin grât des provinciis di Gurize, Pordenon e Udin. Ogni scuele e podarà mandâ tescj, poesiis, composizions e prodots multimediâi in lenghe furlane fats dilunc dai ultins trê agns scolastics (2013/2014, 2014/2015 e 2015/2016).

«Cjapâ dentri i fruts e i fantats inte valorizazion e inte promozion de lenghe furlane – al marche il president de ARLeF, Lorenzo Fabbro – al è un dai nestris obietîfs principâi. A son e a saran lôr, in futûr, a contribuî in maniere determinante par mantignî vive cheste nestre specialitât».

I docents interessâts a varan di mandâ i elaborâts, dentri e no dopo dai 21 di Març, cun consegne direte o vie pueste ordenarie al Ufici Scolastic Teritoriâl (vie Diaz 60) di Udin, o vie pueste eletroniche (parfurlan@gmail.com; referente: Paola Cencini, tel. e fax 0432.516123). A son previodudis trê sezions di vincidôrs (une pe scuele de infanzie, une pe scuele primarie e une pe secondarie di prin grât). Tal complès, i premis a àn un valôr di 1.000 euros metûts a disposizion de ARLeF e a consistin in bogns par cuistâ materiâl didatic, e in diviers struments e jutoris didatics in lenghe furlane ufierts de Provincie di Udin, de Societât Filologjiche Furlane, de associazion la Clape culturâl “La Patrie dal Friûl” e di altris associazions culturâls si impegnin pe valorizazion de lenghe e de culture furlanis. I trê miôr elaborâts a saran premiâts inte suaze di une cerimonie che si tignarà a Gardiscje, domenie ai 3 di Avrîl, aes 12.00, vie pe celebrazion uficiâl de Fieste de Patrie dal Friûl.

Udine, ai 29 di Fevrâr dal 2016

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<